

CANTIQUE

77

SPIRITUEL,



CONSOLA-
TIF

A Monseigneur le Prince
de Condé.



Avec

Vn Echo, sur l'adieu du Card. de Lor.

Plus

La declination des Papes, Contre-
pronostication à celle de
Nostradamus.

Imprimé

A REIMS.

M D LXI.

LA DECLINATION DES PAPES,

Contrepronostication à celle de Nostradamus

de Pie quatrième.

P Vis que le Papisme decline,
Il approche de la ruine,
Et va toujours en decadence.

Pape Leon mena la dance
Declinant le nominatif:
Car il fut le premier motif
De faire nommer l'Antechrist,
Par viue voix & par escrie
Perdit les cœurs de plus de mille
En maints païs & mainte ville.

Pape Adrian qui vint apres,
Y feit regarder de plus pres
Pour le genitif decliner,
A fin de mieux determiner
Et declarer qui fut le pere
Qui engendra cette vipere:
Perdit Saxe où est Vuytemberch,
Et la ville de Noremberch.

Clement le datif declina,
Car aux Allemans il donna
Occasion bien legitime
De se retirer du Papisme:
Perdit Surich & les Bernoys,
Magdebourg Prusse & les Dannoys:
Cent villes de la Germanie,
Et toute la Penteramie.

Pape declina l'accusatif,
Accusé par tresgrand plaintif,
Publiquement en plein concile
Pour oppresseur de l'Euangile:
Perdit Suësse & la Gottie,

Et de Saxe l'autre partie:
Les Polonnois, Genesue aussi
Dont il fut en fort grand soucy.

Iulles tiers qui apres venoit,
Et le vocatif declinoit,
Fut appellé pour comparoitre
Là ou il voulut estre maistre:
Luy qui feit à Palme la guerre,
Perdit l'Escosse & l'Angleterre.

Pape Pie iceluy sera
Qui l'ablatif declinera,
Ainsi il luy sera osté
Le reste de la Papauté,
Ou pour le moins toute la France;
Quoy qu'en rechine l'ignorance:
Dieu tout puissant ainsi le face
Par sa vertu & digne grace:
A lors sera Nostradamus
Fort estonné & bien camus.

Sur la figure de Dieu archer & couronné
Lors que pour acquetir vne vile couronne,
Les archers taschèr tous à tirer le plus droit,
Celuy est nommé Roy comme le plus adroit,
Qui choisissant l'oyseau à la teste luy donne.
Que nul dōques icy de veoir Dieu ne s'estōne
Archer & couronné: car c'est à tresbon droit,
Veu qu'il a seu tirer si bien en cet endroit,
Qu'a iamaïs il faudra q̄ sa gloire en resonne:
Mais q̄ eust peu iamaïs, tāt soit il iuste archer,
Deux traits si puissammēt & si droit décocher
Comme Dieu a tiré na gueres à outrance?
Onq homme ne tira ny ne tirera mieux,
Frappāt l'un ē l'oreille & l'autre par les yeux,
Deux miracles assez pour estonner la France!

F I N